

宋徐競高覽圖經云茲和殿前建二閣東曰寶文以奉累聖所錫詔書西曰清燕以藏諸史子集金線為之記

西堂秋史見宗風

清嘉慶時朝鮮有金西堂秋史

父子盛與清國名流唱和

涉濤方丈三韓迴騁軌車書萬里同為奏神山

紫芝曲回槎會見綺黃功

八月十七日青萍子爵輕井澤泉源亭醺集賦呈

雲養中樞

窮盡林巒勝樓居碧岫頭來陪黃皓坐欲伴赤松游蘿
密雲閒住谿紆水急流泉源笑相照恍似汎虛舟

三生女士彈三絃作淨瑠璃調合坐傾聽疊席上
聯句韻贈之

芙蓉塘外送輕雷催起梨園老善才不讓開元盛時曲

當筵紅豆雨拋來

絕響人間小忽雷箏琶簫笛擅時才今宵乍聽雲礲曲
定有鈞天入夢來

十八日赴小諸車中作

曉度四圍山色中昨雷一掃翠氛空石痕林影青猶滴
越顯秋花夾道紅

憩柳澤氏莊和青萍

翠巘逶迤俯澗涯神仙眷屬一樓霞瓊漿玉盃調冰雪
應是驪山老姥家

布引山釋尊寺

巖頂何年劈巨靈險崖中斷一峰青始知前夜風雷意
天爲詩人役五丁

瑠璃殿六角堂和青萍

絕頂登臨豁碧空數峰了了翠微通謝公不用游山屐
善御冷然列子風

小諸光岳寺

幽通松石徑知是淨名家其上有飛瀑諸天來散花僧
廚香自積魚沼樂無涯詩思隨涼動聯吟到日斜

寺有吹洞簫者歸途口占和青萍

暝色蒼茫萬景微洞簫聲裏興過飛徽音應播千山頂

仙鶴乘風載響歸

十九日雨宮氏

敬

別墅招飲和雲養

雨花宮觀暑全收露冷煙涼愜勝游霧鬢風鬟看隱約
步虛吹下綠瓊輈

窈窕谿山黛色圍樓臺宛似坐春熙仙鬢也學徐妃樣
剛是妝成半面時

墅後鑿山立銅像一基云是主人元配某氏像也
次青萍韻志之

高丘極目未斜曛陡見銅人聳白雲聞說殖林多內助
鬚眉端合讓釵裙

赴江木冷火遠近山莊之招再呈雲養用其雨宮
席上七律韻

到處簾疏簾亦清看雲偏勝看棊情謾言興藉竹絲寫
豈識心仍葵藿傾信嶽煙嵐從起滅韓山夢寐切陰晴
偶將餘事驚猿鶴丘壑逢迎盡識名

二十日登確冰嶺和青萍贈雲養

拾得金光瑤草還盤盤鳥道忘間關谿巒朗映鬚眉古
穩坐籃輿度碧山

鄭葵園

丙朝

詩有預想明登妙義還戒僮晨起啓柴

關也能奇峭偏明秀壓倒日東千萬山句其辭頗

微戲答之

無端出岫片雲還故匿奇峰天意關五嶽真形須默會
休將面目說廬山

懸崖撒手飛霞還只恨妙筆無荆關儻能收拾歸一幅
能事何別東西山

二十一日游妙義山途中雲養出長歌一篇見示
走筆次其韻以酬

芙蓉已甲扶桑山日光更數華嚴湍三韓使者來擊擲
秀色潑眼青洄灣半句又討淺間勝布引精藍確冰磴
雲梯鐵鎖相鉤連泉聲嵐氣互求應雲中白鶴羣真招

旁人私恐籃輿勞風雷不測龍變化鵬鷖寧識鵬逍遙
煙霞問訊訂相好笑振瘦藤不知老幽竇下淵窺蟄蛟
絕巔決皆入飛鳥兜羅繇涌彌穹蒼滄海幾變桑麻場
盛姬不返慟黃竹翱翔赤驥何有鄉過客千秋延曠望
只聞帝子此悵悵先生料復心徘徊古愁耿耿不能忘
脚跟便是古毛國咫尺未覺仙凡隔可以橫絕妙義峰
不學昌黎徒慘戚雄篇灑筆飄飄雲偏師誰及長城勳
磨崖徑須刻金石江海襟胸冰雪文森嚴出將當陽庫
雍容入相曲江度蒙譴廿年志不遷聞風我久抱遐慕
豈知方蓬移趾玉探盡十洲鳳麟域先生心如出岫雲

先生髯似綠坡竹淺間溫秀親儀容識面奇緣是信中
從游兩縣許賡唱佳話一夕徧海東致君堯舜心牢確
那妨箕穎耳暫濯金雞金洞勇先登驚絕好奇愛逾博

妙義山

玉筍參天天骨劉欲崩欲落石和雲要看造化雕鏤巧
妙義環生大塊文

石門和雲養

伐木丁丁答杳冥回頭斜日石門明先生遠害豈無意
出洞應教麋鹿迎

次雲養韻

山水方滋山澤癯詩成陶謝不支吾白雲一片相持贈
繪作敬亭團扇圖

二十二日下山用葵園妙義山長古韻志別

青蓮夢游天姥山巖旬洞春魂悸魄動愁躋攀雲宮霧
窟恍惚四萬八千丈覺時枕席無復煙霞殘所以一生
低首驚人謝眺句帝坐咫尺暫屈金鑿班長安市上呼
來猶被酒錦官西望脅息空長歎豈如子真出谷口眼
中歷歷青煙鬢便道谿山似故國臨風浩歌笑破顏芒
鞋蹴踏走木魅竹杖彭觥敲石頑唾霏化作五色玉珥
琪琳琅植立巖穴間僕本冥栖者滅迹慕翠巒羊腸困

騏驥猶欲造九關胡爲掉頭有歸意爲道今宵二十有
六夜月如刀環與君同嗜同庚此把臂他日兔青鴨綠
同游未必天緣慳可憐世間常屈曲面前還有褒斜艱
摧眉折腰非我事汽輪一道齊軌還所嗟錦段美人贈
未遑酬之雙玉盤早墮襪襪觸熱九陌紅塵寰歸家苦
索興不屬汗衫狼藉詩痕斑

二十六日玉池詩龔讌集雜贈用葵園輕井澤述
事志感詩韻

金公鸞嘯道雲山盡韶美文彩耀壺嶠德音播遐邇紫
氣適東來候之關尹喜白雲頤養心相契非偶爾仙躅

三日留高風遡巖翠

磊落鄭廣文爾汝杜陵子丘跖嗟塵埃痛飲談何易奴
僕離騷命仇讎禮法視謬予土木骸海外稱知己俱效
歌鳳狂不揮泣鱗淚

冷灰居士名吾猶謂可以

鄭詩云江木固賢流
冷灰號不取云云

醉生夢死流功名

枕中記及炊梁熟時憬然聊復爾莫使死灰然應須滌
煩志苟有熱心腸萬事堪經記

玉池有聲畫雅得梅花意修竹交碧廊標格亦相似南
無賈島佛我聞瘦如是昔日秋史師流風今未已且把
綠春詩同祭梅龕裏

皎亭皎冰鑑選樓嚴去取嘉道六家詩平生稱意事徐
庾玉臺體新豔安可棄雖去正聲遠顧得風人義君看
贈芍篇綺詞垂億祀

淹才盡已久時效見獵喜只知酒可頌豈有詩爲史振
聵驚鯨鏗莖扣適由此緬念青萍子逍遙白雲里神觀
欲飛越朗吟夕山紫

二十八日招同雲養葵園石埭皎亭偕游墨水百
花園雨中拍照用雲養詩韻記之

留照名園壓洛陽雨中紅紫共流芳六朝金粉應難繪
七種秋花豔異常

三十日春畝統監三河樓夜醺次統監韻贈別

雁程鷗境一舟歸把酒忘憂計豈非明日西風生別浦
荻花秋水蟹初肥

秋陰

自然吟社例集
席上分韻得森

庭陰黯澹復蕭騷旋覺淒寒透短袍秋海棠軒人隱約
木芙蓉帳霧周遭黃昏漸可親燈火搖落何堪入鬢毛
只好清歌掩明鏡西風枕簟一螢高

中秋鶯亭醺集和揚鶴原韻

疑攀靈隱挹丹葩陰壑楂枒蘿徑賒松栝長風吟起籟
龍蛇大澤蟄盤巴月來初覺雲光逗木落還知桂子加

旋遣天香滿金瓊廣寒不許掩淺花

酒間再疊前韻

豪興乘酣醉語葩十千斗酒亦堪賒運斤郢匠雕龍爽
荷鋪劉伶嘆雨巴良夜觴頻鸚鵡換新寒裘只鷓鴣加
都忘月影西巖轉露脚斜飛溼桂花

又分韻得歌

家家卷盡繡簾幕箇箇傾來金叵羅齊仰當頭一輪月
不知風露溼衣多

丸山竹顛

良香

草頭秋榭小集分韻得支

主人屢換掌中卮可少尊前卽景詩斷蝶零螢夕陽裏

草頭秋色動胡枝

土居香國仙壽山房賞菊分韻得元

三徑應同栗里園結廬人境任塵喧駒聲隔樹空于谷
野氣沈山靜有村暮月謾窺牆隱約秋鏡小照菊黃昏
也將醕酌酬斯會擬返淵明萬古魂

弔竹詩筵拜種竹山人遺像感賦

喬木秋摧天雨霜茸茅那耐舉頭望中興文運才賢盡
獨步詩名故舊傷書卷叢殘經一歲菊枝憔悴過重陽
應知伯道無兒痛慘戚遺容淚數行

聽秋閣雅集卽景和夢山原韻

林意欲疏霜漸濃尋詩來晚獨愁儂看看野氣沈冥極
猛聽空山初夜鐘

菊枝憔悴酒空香秋盡湘簾垂夕陽乍認一痕眉月白
鴛鴦瓦上正經霜

玉池詩龕清集卽事

九日芝城山館酒醉中今已兩旬過玉池秋盡再相見
無奈菊花仍笑何

來青閣作東坡生日供以蠟梅席上限用東坡集
中蠟梅一首贈趙景貺韻

壽蘇清醮觴梅花故事創自商丘家來青閣上宵別蠟

亦祭東坡集中物好事今人知不知齊賦古人生日詩
崖蜜釀花玉刻葉以此名梅亦殊絕歲景正似崢嶸山
身疑黃州雪屋眠夢中忽向西湖去水仙并配林逋句
當時紫裘烏帽人酒酣吹笛疑是君主人一笑神飛越
笠屐春風滿瓶鉢

又分韻得江

名士蘭衰悲楚澤美人楓落冷吳江偶斟玉局梅花酒
似此風流世少雙

冬暄

自然吟社例集
席上分韻得肴

田家柿葉爛煦日烘屋茅蒲盧出筆管蚊蚋游堂坳負

暄諒可樂生涯忘繫匏時命苟自守萬事皆堪拋昌黎
苦嫉惡觀湫去出郊蝮蛇未蟄伏動欲罾神蛟途遠晷
亦短不如鳥安巢

東山餞歲

自然吟社例集
亭席上分韻得蕭

殘年風物日蕭條大樹將軍廟畔凋賸送詩人霜鬢影
一林亭下水迢迢

一林亭即往日
一林亭也

入澤雲莊博士

送

象於天閣齋集即興

朝市康莊咫尺通象於天處敞玲瓏高寒星斗闌干逼
輪奐王侯邸第同複道重廊人屨響臘鐙春酒夜筵紅
移尊勇覺蘭房暖不記霜街鼓幾終

槐南集卷二十六

槐南集卷二十七

東京 森大來 公泰

己酉

雪中松壽澀澤青淵男爵榮一古稀

蒼翠陰厓微雪收丈人巾屨共風流玄都道士笑相見
松亦清晨梳白頭

二月九日玉池祭詩龕湘南追福席上賦奠

玉池營奠薄寒新已過鐙期未覺春凍得一年清淚白
梅花小影月如人

悼夢山樞密次禾原原韻

秉燭春游歲歲同可憐長夜竟無功自從二月扶輿櫬
一世鶯歌淚眼中

知君老骨共撐持石闕梅枝不耐悲左右花南毅堂墓
青山薶盡尾州詩

雪意

自然吟社例集
席上分韻得原

梅花九九畫中探無奈同雲暗澹含詩思先飄蹇驢背
冰痕猶纈老枝南風威旋使霰聲集酒力相催人意酣
待看天公來玉戲好將郢曲付何戡

看梅雜詩

同前分
韻得別

小斜廊外水潺湲時聽鶯啼修竹間倚著梅花思句坐

茶坊半日靜於山

四月四日隨鷗大會卽賦

一聲羯鼓水雲空岸柳微黃杏小紅從此拍浮春萬斛
白鷗偷眼酒船中

暮春卽事

自然吟社例集
席上分韻得歌

空聞緩緩可歸歌無奈游人欲散何扇影衣香春一夢
車如流水落紅多

山亭初夏

同前分
韻得虞

花後新林萬綠紆幽人坐惜物華徂樹頭綰繹蝶尋覓
草際冥濛鵲有無何寺回廊餘芍藥到門流水長菖蒲

蓑衣從此須料理待入前村煙雨圖

芝城山館齋集和青萍原韻

冠蓋如林望儼然池光巖翠畫圖連
眺瞻雲日無纖翳唱和桑韓有宿緣
琴韻細幽簾裊水苔痕綠淨石鋪筵
春風何限壺觴樂歡洽比鄰此獨傳

綠陰品茶

自然吟社例集
席上分韻得麻

濃陰僧夏綠交遮亭午山房來煮茶
庭靜麝香眠石竹簾清塵尾拂松花
鼎聲車繞羊腸阪甌味春含雀舌芽
好送浮生閒半日跳珠雨過夕陽斜

鶚軒博士百不如齋招飲卽賦

高閣招要喜唱賡清和四月恰新晴
奇書萬卷搜遺逸濃綠孤花愜勝情
景教碑疑唐代拓印文篆似漢時成
更徵二百年文獻百不如齋百事精

楊少雲

蘇杓

著不如歸行題辭

白傅歌行感淪落梅村樂府繫滄桑
干卿底事鵲啼血一曲哀絃爾許長

嘉耦由來怨耦初海枯石爛究何如
子規紅徧蘆花雪便是蕭娘訣絕書

藕斷絲連精未灰香魂欲返乍徘徊
可憐空化思歸鳥不作廬江孔雀來

紫玉成煙可要扶烏闌譜就淚穿珠蛾眉甘爲韓憑死
多謝滕王蛺蝶圖

休管是非身後多不如歸去鳥啼過任君古柳斜陽外
翻盡盲翁負鼓歌

靜園莊雅集次仙坡原韻

楊柳多陰路多曲衝泥滑滑禽言促孤花乍破夕陽紅
衫上春痕雨方綠

雨叩故人門巷深幽泉落澗若鳴琴牆頭疑結黃梅子
暗暗鶯巢夏木陰

芍藥有情春淚流薔薇無力欲含羞任君持比老韓句

山石如今經雨幽

酒杯未覺朱顏老能保青春幾時好閣閣池塘蛙吹喧
詩人猶覓夢中草

尋詩蔣詡三三徑暗水潺湲入幽聽賞雨玉壺常駐春
青山無若靜園勝

青山影裏幾詩家夏屋渠渠綠四加此夕熊魚盤饌足
并收秋實與春花

三更燭跋尙吟詩乙乙抽思成較遲介甫有知應一笑
綠陰果是勝花時

檀欒例集卽興次冷灰原韻

葛藤誰斷發硯刀世事看來紛似毛萬法須從空處起
一禪欲向醉中逃朱門先達組頻解青眼故人歌獨高
心折談諧方朔意江湖笑玩小兒曹

寒翠莊雅集分皮陸唱和韻得麻卽景口占

日日徜徉巾側紗林塘一帶傍池斜槐柯蠓蟻牆頭國
蒲葉蜻蜓水上家細細茶香風韻鼎猗猗簾影竹吹花
石橋且謾看飛瀑涼雪須防點鬢華

和春畝公乾坤不變四言

日月輪轉風雲徑通滄浪萬里海闊天空

又和身世委孤劍五言

一飯不忘國常先天下憂笑談時抵掌盡是百年猷

又和三五年間西復東七言時宿雨始霽爽碧如
洗車正過山陽道中也

金尺山河鴨綠東扶顛決策一誠通指揮已定披氛翳
霽日甘霖沛澤中

馬山浦卽日和春畝公韻

水輓山溫綠夾灣誰知此地是雄關中藏犀甲三千弩
白馬銀濤指顧間

過大田車站金雲養鄭葵園皆在雲養出和倉富
氏歡迎伊公七律一首見示卽依韻賦此

棣萼邦交絕外侵歡呼載道感孚深伯伊仲呂千秋仰
孔思周情萬國欽事定寰中無馬躍詩成天半有鸞吟
拂衣一笑誰同調想見夔龍契此心

七月六日祇謁昌德宮恭賦一律以呈春畝樞相
羽衛環車入闔閭濟時元老冠扶桑正逢甘雨隨輪注
頓覺熏風繞殿涼長揖萬乘聊訣別聘望八極可翱翔
仍分四海鴻飛翼永覆韓儲守器旁

八日景武臺園游會作

神臯景武古臺旁複嶺重巒繞苑牆清暑迎涼簾四卷
松風織麴碧華堂

碧樹周阿隱藕塘依稀扇影與巾香寢園正苦櫻桃熟
翠鬢調冰賣蔗漿

聞昔君王觀稼回慶豐齋下獨低徊兔葵燕麥看如故
十二年前客復來

亭午清陰轉綠槐敞筵慶會舊樓臺日長漏閣無人報
祇有池蓮自在開

花飛鏡落忍回頭水殿芙蓉暗抱愁銀漢紅牆空隱隱
青蕪不見玉壺樓

九日咸寧殿賜燕太皇命限韻人新春三字卽賦

一絕

壽宮朱夏會天人碧樹彤庭午景新和氣隨涼生殿角
扇頭猶認李花春此日賜扇上
畫李花故云

十一日雲養過訪客次見贈摺扇賸以七律一章
即次韻道謝

昨別重逢未計年今瞻眉雪秀依然霑同碧砌丹楹
初六日東行閣賜
醴與雲養同席 惠荷銀鈎玉唾篇野意山情蛻軒冕酒場詩

地識神仙并袂鄙吝觸煩熱松箴涼吹枕簟眠

十三日翠雲亭雅集得一律

豁胸披見寸雲深天亦為收三日霖魚水君臣無內外
衣冠巢許在山林竹臺松崦圍層岫芝蓋霓旌擁翠岑

最喜熏絃能解愠曲終猶聽繞梁音

有紅梅者侍席即用春畝公韻賦之

回首英雄自古然紅梅綽約抵神仙乃知佐漢子房志
不在赤松黃石邊

再用前韻酬金滄江澤榮

不廢江河滾滾然詩源謾別聖兼仙扶桑若泝方言古
多在朝鮮冽水邊

星宿羅胸光爛然真丹心折曲園仙伊余宿昔有同好
神往小浮梅檻邊

滄江續贈一絕意在言外謾次其韻

騷人飲露木蘭花
鄢郢城南有幾家
忠信波濤能涉險
林教屈子賦懷沙

漢陽古渡是楊花
白鳥滄江飛處家
欲往從之舟不見
酒闌鐘歇月籠沙

再次雲養韻酬呂荷亭

圭亭

甚願相留可判年
蘊真愜遇共怡然
託將白石三生契
疊盡青蓮一斗篇
屠肆釣谿尋尙父
蒼梧碧落憶回仙
促歸無奈歡踪短
不值炊梁片刻眠

疊韻酬鄭茂亭

高朝

兼題其策龍吟臺後

平生奇絕是今年
汗漫東游氣浩然
橫海樓船掣鯨手

凌雲詞賦策龍篇
鷗程今我隨槎使
琴操因君悟水仙
安得倚裝鐙別雨
蘇家兄弟對牀眠

疊韻酬鄭葵園

豈圖再覩未期年
面別蹉跎轉愴然
海角關心錦鱗字
天涯到手翠雲篇
相思玉洞繇芳草

葵園宅在
相思洞

同詠霓裳觀

衆仙夢見不如披
卷見一聲殘笛破
愁眠

滿洲艦爲霧卸
碇海中半日春
畝公有詩卽景次
韻

百丈樓船蹴浪還
平明四望失孱顏
晦冥霧積蚩尤苦
咫尺程憂灑瀕艱
俄頃凌空排日馭
恍然駕鶴趁仙班

滄波一碧神魂壯遙數全羅歷歷山

協約

協約終收五載功南山出地奮豐隆蒼黎歸德周方伯
黃屋娛心粵老翁西內夢魂縈大內尙宮心事切東宮
可憐十八兒宗社已在潛移默運中

輕井澤泉源亭雅集次青萍原韻

引鳳簫聲足盪魂蘭陵美酒況盈尊山中總作秦樓想
樹亦相思花合昏
朋盍尊前縱嘯歌碩人卻愛靜中過石湍激作雲門吼
聽到泉源故不多

萬木雲煙一抹平古關不復見崢嶸蕉翁碑畔歸人笠
雨脚斜吹馬背行

遠近山莊銷夏小集次冷灰原韻

詩緣信覺入山深涼室虛于主客襟透月最宜窗四放
看雲不許酒孤斟日邀方朔資談笑時與孫登起嘯吟
應有瑤天笙鶴響尋常泉水亦琤音

山中絕句

涼逼人來翠撲軒門前疑有百谿喧平時雀浴墓跳水
一雨汪洋沒舊痕

分韻得元

筌影蜻蛉點水翻萍間宛似有魚存乍遭鶩鴨羣相惱

縮手先生笑不言

鐵石堪

忘筌便合并忘魚小小苔磯決決渠緣木不求淵不羨

幾人真箇作閒漁

次石堪韻

半日晴暉破積嵐玻璃窗格愛虛涵猶疑簟浪翻風雨

午夢初回蟻戰酣

次青萍韻

我我周旋絕等儕鳴琴幽澗得心諧興來與奏雲韶曲

世耳爭能辨正哇

次冷灰韻冷灰頃日作趣味說一筆故云

四齋窈窕雨晴初妙變窺帷雲卷舒應乞文君眉黛色

青山笑揖馬相如

用石堪韻題遠近山莊壁

次裳川韻道情

槐南八月來山中披襟稱善洽然風五日為期樂忘返
回頭已是三日空七年誰關此巖麓屋山屺補樹顛禿
社約常要磊落人會名不改檀欒竹杯中一物荷聖朝
賤士何求聞達昭漁樵混迹我所願墟笮同奏君能調
況有桓伊來擊笛夜半長鳴龍破壁幾回欲去還淹留
何當此地學沮溺

高野竹隱過訪敝廬其翌同赴玉池之招率賦為

贈

海內作長句天涯過故人珊鉤耀文彩騶馬迴風塵昨
席藜羹賤今觴綺食陳延歡忘豐嗇歌嘯可彌旬

湖亭卽事次竹隱韻

湖心亭子上荷淨竹還深秋氣流湘簟清歌動越吟鷗
隨漁信宿友喜雨來今蕭颯陂塘路涼詩共滿襟

又次石埭韻

臨岐把酒舊池臺恰有新荷雨打來似按恩恩渭城譜
銷魂疊到勸君杯

柳光亨醺集分韻得元

往事還須仔細論佳招一夕對朋尊樓臺水調新歌管
煙月江都舊夢魂兩岸秋風涼襲坐百年楊柳碧當門
紅裙也繫滄桑感老我青衫有酒痕

九月二十六日弔竹會石埭有過竹君故居用虞

伯生子昂墨竹韻之作卽次其韻志愴

山人夙昔詩愁工一窩叢竹吟長風自從山人墓木拱
竹窩之竹生蠹蟲山人腸本梅花鐵任被笛聲吹寸裂
元精耿耿詩卷中尙留昌谷嘔餘血三秋清淚染湘竹
故宅淒涼思宋玉山人不見猿鶴空孀烏啼止誰之屋
鸞洲伯蓬萊園觀月雅集用許渾鶴林寺觀月詩

韻卽賦

準擬當頭皓魄圓仙人佩冷乍生煙雲中有月如無月
水面涵天別作天窈窕瓊樓露窗裏逶迤桂樹畫闌前

張燈鳧雁多清興不羨王喬駕鶴年

又分韻得影

九枝紅燭交輝映穆穆酒波金萬頃疑是池光受月來
為開菰米沈雲影

將赴滿洲賦以志別

白草黃沙一望齊五年戰迹已淒迷幾人更泝遼金史
飲馬混同江水西

白狼河北夕陽低蒙韃風煙入馬蹄萬里息爭甌脫地
胡人謾牧觸藩羶

車過函嶺春畝公有詩即次韻

昨夜星辰照客程銀河欲浪不聞聲森然萬象沈寥外
坐覺神超寰宇行

船中次春畝公詩韻

突黔席暖曾無暇絕海樓船幾十回墨翟孔丘何足數
雄心笑付掌中杯

又疊函嶺詩韻

忠信涉濤遼海程國殤感極暗吞聲封侯食肉功成後
誰掩當年萬骨行

鐵嶺丸船上聞橫山某吹洞簫奏千鳥曲

翔鳥千羣駐碧霄魚龍夜靜海迢迢仙心已跨遼東鶴

鐵嶺秋高聽洞簫

重陽前一日登臨二百三高丘作

積骸撐拄最高臺俯瞰金湯生暮哀半歲鼎魚空壁壘
三軍甕鮓化蒿萊陂陀雷劈蒼濤吼喘嶮風寒白日頹
獨喜登臨重九近菊花長傍戰場開

奉天

渾水縈回北斗杓秋高平陸限穹霄周原膺膺連豐鎬
殷土茫茫奄瀋遼雙闕建中巍誅蕩二陵在望鬱岵嶢
飛龍翔鳳藏弓劍舊俗何人憶射雕

歸舟一百韻

歸舟險毅魄慟絕呼旻天雲日晦光彩素旄悲風翻傾
翻渤海水瀉作萬淚漣霑徧滿洲野此恨安可填坐艚
聽笳咽熱血回腸煎伏枕屢欲起裹創忘未痊白浪驟
澎湃蛟龍號九淵神鬼共慘澹覆載從崩騫擎天仗一
柱公寔不世賢彌綸廟謨密翊贊台階全足迹三萬里
勳業四十年丹衷誓許國不覺霜滿顛册府憲典貴姓
名寰宇傳至尊常倚畀萬品憑陶甄雅望夾宸極英姿
冠凌煙始知袞職美不獨伊周專晚監韓國政威惠交
昭宣遂資調護力益鞏宗主權檀君社久屋箕子封邈
焉李根一何弱權露朝空鮮推誠置人腹感激盟莫愆

受其六尺託敢數商巖仙鴻飛絕四海琴張調五絃彼
民亦額手國祚希長延奈何荆高徒妄擬太子燕烏頭
與馬角飛語嗟紛然古來不曉事貽禍累百千誤人還
自誤君子須慎旃公懷皎何似霽月光連娟溫顏勉善
誘若輩愚可憐扶顛局略完滄浪秋鼓舷六合入清嘯
飄游遼瀋邊旅順扼隘口沙灘沈戰船黃金與白玉劍
戟崢嶸連案子椅子嶺二龍雞冠巔鐵網剷濠阻土囊
罨堡堅露軍恃此險殊死交戈鏃溝壑盡流血草木皆
腥羶活藪萬貔虎炸裂千鷹鷂殺戮代耕作白骨黃沙
田此語今日驗緇矣李青蓮二百三丘頂公也望眼穿

陣圖瞭指掌人馬蟻磨旋爭墮劫火裏跼跼同飛鳶彼
我兵死鬼躬各爲國捐忠勇無差殊壯烈金石鐫用凶
非得已雖聖所不悛平和固裝甲私忿渾應獨祭罷表
忠塔公涕流潺湲還酌露殤墓泣薦詩一篇翌趨奉天
省柝木回星躔曠原莽回互渾水中縈淀正值古重九
驛站黃花妍恰慶公誕日觴壽車窗前東望長白山磅
礴紆蜿蜒清祖發祥地鴨綠直泝沿我有保韓責此其
關與鍵松江擊現楫黑水爭狄鞭萬里若反掌鐵路一
線牽龍蛇儻起陸何以防喉咽公胸早了了所貴機制
先陪都擁重鎮五劇頗喧闐往觀故宮闕繡柱圍花甑

由武功坊入大清門東偏當中崇政殿黼坐日月懸飛
翔相左右璀璨百寶駢祖宗重弓箭故俗習射敵締構
亦云固奕世仍瓜繇純廟金兜整炳煜裝珠蟻法朗雙
佩劍疑有黃虯纏其餘鼎彝器罍罍暨豆籩又有漢銅
鼓叩之雷齶齶後爲鳳凰樓巍立望氛祆清寧接惟趾
髣髴思雲輶西登文溯閣宿昔殊垂涎四庫有全本可
以求真詮搔頭惜景短明發征須邁公爲破顏笑盍留
懷槩鉛恩恩促襍被行行踰陌阡轉瞬過鐵嶺彌望惟
平川禾黍盡銍艾散牧叢籽斫漸近內蒙古荒漠無萋
芊行人在駝背時見金鞍羈暮投長春縣暫蒞觀察筵

孤標顏氏子晉接羞肥鱘公時引杯謂老景桑榆遷墨
突黔未暇同輩嗤足胼惟此憂國念炯炯內自然當時
不在意識兆誰洞玄後事可戰栗欲言五體痛痛哉哈
賓市陰雲迷四塵突有一韓豎挺身銃在拳三發倏命
中裂帛天外鵲鳴乎恨罔極公逝如蛻蟬蒙知廿餘載
予命尤迤邐從公六浮海載筆慙非椽不測及斯禍一
丸貫肩骭遭難亦附驥得曰非因緣與公不同死隨行
空備員喪紀豈能誅迫切難終編

有以琵琶彈詞哈爾賓索題者感賦

檀槽鳴咽四絃哀氣薄淦雲林木摧君識魯公門下吏

百年風雪哭西臺

除夜祭詩龜作

畫裏通禪春乍橫祭詩一偈入無聲舊年燈火新年雪
玉竹冰梅越樣清

玉池畫意卽詩情沸沸香從十指生常愛淋漓餘瀝好
墨梅花上有斜行

庚戌

雪後

自然吟社例集席上分韻得微此
日遊近荷友荻野迦陵七八故及

卷簾逸興覺過飛一白江天沒石磯蓑笠孤舟猶寂寞
園林半樹總依稀蹇驢忽欲尋春去翠幃還能詠絮歸

獨愧綈袍逢范叔卅年雪後此心違

荻野迦陵

補

來過偶繙東坡集檢出其和蔡準郎

中見邀詩卽用蘇韻且效其體賦得二首

掃堂置酒燈火幽不見伊人三十秋孟浩然驢灞橋雪
彌正平賦鸚鵡洲垂垂屋角梅欲笑端居偏恥吾生浮
昔年共擗罵姦鼓今夕何辭投轄留君不見相如四壁
立朝典裘暮滌器不逢狗監飲豈休

行藏謾判顯與幽紛紛得意失意秋神仙但是醉鄉住
酒杯之外無瀛洲看來行路亦容易如舟載沈還載浮
李白不同草木腐解道飲者名能留君不見韓門閩仙

賈雖祭詩不祭酒一生惟以詩瘦休

江上看晚霞

自然吟社例集
席上分韻得寒

天遣青蓮酒興豪夕陽鴨綠變葡萄宣城詩後重裁綺
孫楚樓前一駐舸畫漿送來桃葉豔春旗揭得杏花高
興來翦取裙盈幅欲寫相思寄薛濤

雪中聞鶯

同前分
韻得虞

快雪時晴好鳥呼一匳寒碧動西湖何人笠屐攜雙斗
鼓吹詩腸入畫圖

三月二十七日來青閣雅集分韻得魚

辛夷塢裏好樓居會客丁香欲放初雨愛萬花紅醞釀

天憐衆草綠權輿澹懷俱倚虚心竹新語爭求縮項魚
愧與羣芳留小相殘梅瘦格照清渠

隨鷗社大會次石埭詩韻

臨觴忽忽感流年七度春風水國天看盡詩人閒聚散
沙鷗飛起落花前

卽興用白香山春末夏初閒游江郭詩韻

自然吟社
席上作

新蒲交細柳曲渚繞平沙點點又魚艇陰陰賣酒家相
鄰芳草寺中有牡丹花不惜尋春晚何辭取徑斜清聞
風外磬澹試雨前茶事事忻幽絕淹留到暮鴉
蜜蜂蝴蝶影春盡未曾稀夾道續紛集隨風自在飛忽

然芳草綠賸有夕陽微楊柳濃遮舫薔薇暗刺衣樓臺
罷絃管江郭謝輕肥穠景知應歇何如杜宇歸

靜園莊雅集和仙坡原韻

景光憐晚晚經雨綠方新罨屋楓香細過牆竹勢勻茶
煙回澹夢花事渺前塵翻羨紅榴色從頭不及春

五月十八日呂荷亭過訪茅堂卽次其見憶原韻
志喜

樂道忘饑愛寡營高軒何意過茅衡多應授我仙翁枕
長使槐安夢不驚

越二日答訪荷亭時喧傳彗星經太陽戲疊前韻

題其東游詩卷後

倚撫羲娥與星宿筆干氣象孰爭衡天官此日窺黃道
彗尾包球不足驚

與荷亭話別卽效其體

有緣會合重聯句說到分襟酒欲醒如效雲龍平日願
四方上下逐荷亭

醉攀客舍青青柳休問今宵何處醒一到天明無覓處
曉風殘月短長亭

送粵人王孝若_{紹新}之北京

白日蒼溟酒一杯餞君書劍向燕臺鰻魚東海猶能逸

石槨南山恐或開二聖園陵還宿草百年宮闕幾飛灰
斫餘無限悲歌地付與王郎磊落才

六月四日檀欒例集偶丁冷灰舊藩主故吉川公
一年祭令嗣子爵以追悼詩題梅雨有感汎徵詩
冷灰乃課本題分韻得微

東陵雲樹一鵲飛梅子黃時瓜未肥添得銅人新涕淚

謂廣瀨中
佐銅像

故侯門巷雨霏霏冷灰宅係吉川
侯舊第故云

荒木郡宰忠囑題猿山瓢詩

萬壑千峰一嘯吟興來捉月亦仙心有時倒挂許由樹
醉臥不知煙霧深

夏日林亭

自然吟社例集
席上分韻得魚

夏木中間結此廬水田飛去一春鋤籜黃竹筍成竿後
架綠葡萄引蔓初茶鼎僧來遭水厄繩牀雨霽看蝸書
便同野飯過亭午隨意吟詩樂自如

寒翠莊雅集限用樊榭詩韻

選勝何須遠出城雨晴萬綠一時明同來松下科頭坐
戲向山頭著履行得意藤蘿消畏景無心泉石愜幽情
杳然如在深林裏卓午微聞野雉聲

又分韻得灰

寒翠園扉爲竹開不妨徑入共徘徊好揮與可平生墨

扶得醉君斜影來

鼠尾爭拈染麝煤吟詩未了又傳杯倩誰書破芭蕉葉
恰有青禽覓李來

松原瑜洲

新

碧雲莊雅集和主人原韻兼送村上

琴屋歸山陰

蕭疏水木帶仙莊似在碧雲湖上塘鱸國舊人諳膾味
松風丈室起茶香忽看一塢深如許定是扁舟意不忘
使我杳然乘興往山陰坐聽權歌長

水齋坐雨

自然吟社例集
席上分韻得支

聞聲不見雨如絲錄曲闌干俯草湄無數水蟲旋復失

萍花小點碧漣漪

斷梅節送鶚軒之歐洲次留別原韻

夕陽行色動滄洲明日知君破浪游昨有微雷收伏雨
預將晚霽作清秋浩歌并藉長風便遠志何煩小草酬
安得相從挂帆去海天涼月白當頭

新涼有作

自然吟社例集
席上分韻得蒸

挈兒去買一盤冰涼動街心月未升秋自人家檐際起
碧花紅穗繪紗燈

古中秋鮫洲海樓觀月和金枝小峴

道原韻

直下金波穆穆流當頭明月正中秋步虛應有天仙下

倒景真疑世界浮，泡露晝闌兼桂樹。忘寒玉宇與瓊樓，稱心最是南飛鵠。而到蜻蛉以外洲。

十月九日弔竹會分韻得麻

蕭瑟江關賦三年，庾信家小園。封蔓草枯樹，又栖鴉。詩牘零星豪秋留，寂寞花傷心來。酌酒日影竹筒斜。

待我歸軒酒間次鄭葵園韻卻贈

信壑毛丘蠟屐尋雲山，興到發狂吟。三年猶恨風帆阻，此日真忘海水深。明月中秋無異照，美人香草有同心。不妨重側斜陽帽，滿路黃花蝶散金。

小春出游

自然吟社例集
席上分韻得兼

風懷牢落罷登高，臨水人家就濁醪。漁婦結罾深竹裏，興來欲往買霜螯。

仙壽山房觀菊雅集效清人朱柳塘秋圃聯吟分題得對菊

晚節花香酒亦香，君家籬菊正叢黃。醉將短髮來相對，一種霜姿傲夕陽。

鸞洲伯巢鴨別業招飲用高青丘詩韻同賦

尺五園林爽隄開，藤蘿泉石繞亭臺。翠微與客攜壺入，黃葉無風打帽來。晚菊澹宜斜日照，老楓酣愛早霜催。醉吟擬借山公馬，流水聲中往復回。

席上分高擁殘陽蕭寺晚半隨流水楚江秋句爲
韻得半

鳳城雲物連樓觀鴨里秋光尤絢爛上有芙蓉下有楓
朱霞白雪明天半

十一月二十日勝島仙坡爲予設哈爾賓遭厄周
歲紀念之醺席上次韻志感

蒼黃當日血濡裘休道防身猶未周謝傅門生痛華屋
鄭公幕客哭孤舟月前驚鳥傷弓夜霜下窮猿失木秋
此意經年說何忍殘軀對酒愧吟儔

寒翠莊觀楓雅集分輞川集文杏館詩爲韻得棟

字

菊徑斜陽澹如夢霜姿猶自媚林洞黃昏罨作錦屏風
水是珠簾楓畫棟

歲晚偶成分韻偶展讀白石道人集有會於心卽

賦

自然吟社
席上作

小紅低唱按冰絃我所思兮白石仙安得裁雲縫霧手
春詞早琢臘鐙前

歲暮扁舟興杳然西湖寒碧欲涵天獨憐竹裏梅花意
香自無人見處傳

星岡潑散雅集和山口松陵宗鏡原韻

疏木風鳴萬竅濤冷清殘日照顛毛衰顏難覓青精飯
醉力猶憑白墮醪豈有饑人夢能飽縱然醜婦癢堪搔
謝君爲潑崢嶸景不許詩愁獨鬱陶

又分韻得陽

滿天寒月滿林霜歲晚無花醉一場不用巡檐頻索笑
素娥青女鬪新妝

永井禾原壽蘇雅集限用宋商丘東坡生日詩韻
狂興發作忽獲此篇意在避熟非不滿於長公也
不然僕何人斯豈敢履蚍蜉撼樹之譏邪

鄙人愛黃不愛蘇雷同勦說非丈夫千人萬人仰山斗

胡爲我獨捋虎鬚任君屈橫倒滄海涸魚涇沫猶足濡
武庫甲兵有利鈍獲神眩目空區區五湖三江大國楚
豫章亦曾傾倒俱顧於陋邦關棧莽譬諸食藜蟲自娛
來青主人憐我拗明鏡爲敵蘇齋圖西陂類稟復初集
配享一一陳豆盂坐中俊彥宋翁亞聯鑣競爽馳康衢
不妨尊前有揖客嘗恨門下忠臣無坡詩百態苦自放
志大往往成疏迂野麋性不近軒冕嗜癖終與諸公殊
酒酣且樂作生日不效一人私嚮隅公然鉗錘呵佛祖
狂極欲命離騷奴

歲暮檀欒例集卽賦

跋盡當筵燭九枝良朋三五例吟隨歲云暮矣竹敲屋
月出皎兮梅照帷靜炷清香凝燕寢酣扶紅袖寫烏絲
一年了此檀欒會牢落風懷欲付誰

辛亥

賦得寒月照梅花

皎月惟疑雪疏梅訝未開豈知羣玉頂早覩百花魁山
意衝能發谿姿映乍回星冠欺的爍羽警讓篔簹影待
宮妝點香憑驛使催故應銀闕賞好傍粉牆栽精魄含
冰蕊光華沁鏡臺玲瓏官閣夜水部喜清陪

雪後看月

東台雪亭自然吟社例集
上分韻得支時隔曆上元

光華梅雪相傾欹更看梅月爭妍奇信應喚作太清域
下雪上月花參差

霍家小玉玉釵姿暗與梅梢雪月期應惱蟾宮姊多事
高寒天上管相思

一月十七日月地香雪軒雅齋和鐵石原韻

溶溶晴浪夾橋新小閣鑪煙煖可親移席賡成冰管句
消寒料理玉壺春梅花小勒嬌堪養楊柳初眠困未伸
中酒情懷頻作惡愧儂漸老不如人

跋盡當筵燭九枝良朋三五例吟隨歲云暮矣竹敲屋
月出皎兮梅照帷靜炷清香凝燕寢酣扶紅袖寫烏絲
一年了此檀欒會牢落風懷欲付誰

辛亥

賦得寒月照梅花

皎月惟疑雪疏梅訝未開豈知羣玉頂早覩百花魁山
意衝能發谿姿映乍回星冠欺的爍羽筆讓筵憑影待
宮妝點香憑驛使催故應銀闕賞好傍粉牆栽精魄含
冰蕊光華沁鏡臺玲瓏官閣夜水部喜清陪

雪後看月

東台驚亭自然吟社例集席
上分韻得支時陽曆上元

光華梅雪相傾欹更看梅月爭妍奇信應喚作太清域
下雪上月花參差

霍家小玉玉釵姿暗與梅梢雪月期應惱蟾宮姊多事
高寒天上管相思

一月十七日月地香雪軒雅醺和鐵石原韻

溶溶晴浪夾橋新小閣鑪煙煖可親移席賡成冰管句
消寒料理玉壺春梅花小勒嬌堪養楊柳初眠困未伸
中酒情懷頻作惡愧儂漸老不如人

魏南集卷二十七

魏南集卷二十八

詞

東京 森大來 公泰

浣谿紗

雪夜夢醒

清夜沈沈夢乍醒
沈香火冷有微星
憑誰指點索銀瓶
翠袖訝搖明月帳
金釵恍叩玉眞肩
梅花香雪韻空庭

賀新涼

甲申六月中浣接高野竹隱書賦此代柬

何物無情否便銷魂人間一樣別離時候
芳草含煙煙黯澹那忍恁恁驪首不能折
河橋新柳悔我祖筵偏錯

魏南集卷二十七

東京 森大來 公泰

魏南集卷二十八

詞

浣谿紗 雪夜夢醒

清夜沈沈夢乍醒
沈香火冷有微星
憑誰指點索銀瓶
翠袖訝搖明月帳
金釵恍叩玉真肩
梅花香雪韻空庭

賀新涼 甲申六月中浣接高野竹隱書賦此代柬

何物無情否便銷魂
人間一樣別離時候
芳草含煙煙黯澹
那忍恁恁驪首不能折
河橋新柳悔我祖筵偏錯

過但今宵遙餞天涯酒淒絕也醒而後 半牀燈火微
如豆獨低回彷徨延佇凝望更久何處雁聲傳信到似
道厭厭依舊憔悴色客衫還又一自扶持還故里比從
前少箇鄉愁有不忘者知心友

我亦難忘者是風流玉池仙子治春詩社點染斷橋楊
柳色又早雙鬟唱罷好眉黛青山如畫同調追隨兩三
輩讓夫君和出陽春寡好傳做旗亭話 幾時扶病乘
鞍馬古函關蕭蕭驛路夕陽西下客舍沈吟思我處便
我正思君夜共回首小湖臺樹屈指半年人聚散料尊
軀善保炎陽也僕無恙休牽挂

滿江紅

秋興三闋

試望平原看白骨青燐無數空葬送南山落葉北山風
雨斷井頽垣衰草合玉魚金盃荒螢護更瑩瑩啼眼似
招人幽蘭露 何如怨其如訴更如泣還如慕是啾啾
鬼唱鮑家詩句心血千年磨不滅丘陵終古誰爲主賸
悲涼滿目斷腸秋傷心暮

別苑離宮秋瑟瑟最傷心者一霎裏朱顏改變水流花
謝惟道夢驚蝴蝶漏無端霜裏鴛鴦瓦認朦朧樹色隱
昭陽烏啼夜 君王側闌干下侍瓊醺斟珠翠又回身
笑瞥衣香吹麝豆蔻梢頭紅透了簾前剛是春寒也到

如今明月影空圓姮娥寡

酒醒今宵黯然者人生惟別何況箇荒涼一路曉風殘
月楚客江潭憔悴死吳娘水閣淒寒徹舊青衫還對老
裙釵琵琶咽 兒女淚偏癡絕淪落感何悽切似句闌
啞唧啼蛄自熱誰道心猶同古井可憐身亦如秋葉恁
朝歌暮哭鎮飄零都休說

國香慢

送黃吟梅歸清國即題其東瀛游草後

草綠瀛洲被春鶯宛轉把夢句留當時別魂銷矣餞子
江樓猶道題襟墨澹待重續漢上風流何思掉頭去浩
浩乘風汎汎如鷗 碧雲飛不斷渡蓬萊清淺萬里周

游遺珠滄海探徧明月當頭謾說瑤華載乘讓奇句古
錦囊收如何獨披卷忽與梅花吟斷離愁

醉江月

題野蘇大江東去詞後

我思坡老鐵綽板歌是森然芒角便把大江東去意試
問南飛烏鵲斜月熒熒明星爛爛撐拄曹瞞樂人生知
幾仰天長嘯寥廓 渠固一世之雄而今安在也江山
猶昨君豈灰飛煙滅去贖此文章卓犖曲誤誰知詞成
自笑杯影鬚眉落小喬佳婿向人頻顧遮莫

前調

書柳七曉風殘月詞後

蒼卿絕調奉天家聖旨蓬萊宮闕報道宮娃爭按拍滿

殿歌雲凝咽紅杏尙書微雲學士讓爾傳新闕重來誰
識曉風吹盡殘月 猶似眇望華清露寒仙掌萬古風
流歇詞客遭逢如此耳夜雨淋鈴悽切不是梧桐依然
楊柳白盡梨園髮更憐身後酒醒寒食時節

卜算子

台山晚步口占

獨自上東山山下開明鏡照出嬋娟最小時秀黛晨妝
靚 獨自下東山山上聞清磬叩斷英雄末路時芳草
斜陽影

臺城路

乙酉七月三日紀事

江南人說傷心話千村萬村遭水舶連風前黃梅雨後

節候常年如此今番但是見橋墮隄崩決濤奔駟慘禍
滔天衆其魚也可知耳 農夫嗚咽暗哭似哀鴻徧野
聞者酸鼻喚女爺娘尋親姊妹兒魄妻魂泥裏天乎忍
矣慕蕩盡田廬漏生知幾便漏殘生也當饑餓死

戀繡衾

陽曆七夕戲賦

年時枉拜織女星望流雲銀浦杳冥便一度纔相見悵
秋風仙夢易醒 廣寒宮闕嫦娥寡怪紅牆私語恍聽
敢今夕先相見被黃姑偷乞鵲靈

摸魚兒

竹隱脚疾又發急回鄉闕養會卒不暇
賦別嗣後寄此詞見懷卽次其韻二闕

雨濛濛海棠花重錦官城裏驕旅香泥早輦游春腳猶

唱醜櫻新句竹隱有詠醜櫻詞余酷愛誦之君忽去道宿病沈緜不管離懷
苦無言小佇敢是夢應醒似真疑假一片亂愁緒 剛
腸也割斷柔情萬縷教儂淒咽誰訴虛堂淅淅風吹葉
月底獨修簫譜怱悵處多少恨關河迢遞還鄉路銷魂
莫語正畫角譙門燕亭蟬驛題徧黯然賦

翠層層綠陰陰裏清鐘山寺敲暝炎涼換了春婆扇別
恨不煩提省燈火耿甚三昧禪牀幽夢茶煙醒無人管
領這雪藕湖頭采蓴隄下閒卻白鷗性 芙蓉敗不是
紅顏善病爲他搖擺無定葵能衛足休輕舉此意寄鴻
持贈衾屢整又一葉蕭然飄墮瑠璃井風殘露賸想壁

蟬移前戶鱗懸後爭耐藥鑪冷

霜天曉角

題水阪石埭黑梅畫冊

祭詩龕雪妙悟風香徹硯是玉池初凍冰佩碎墨雲纈
澹滅鐙影別銀毫綃霧結凝住笛聲空際人正醒夢
樓月

沁園春

丙戌上日設城

肥馬輕裘鬢影衣香盡態極妍有王公侯伯深閨貴戚
紅塵一片非霧非煙紫闕朝正朱門投刺幾陣春風吹
醉旋官梅笑笑野梅花底誰拜新年 青氈舊物依然
更斷墨零紉殘簡編但樂章琴趣酒中清課花飛釧動

夢裏初禪袞袞諸公寥寥知己敢道春光如線牽非吾
分甚美人箏影扶上青天

十二時

亡兒生日填此寫恨

小魂靈夜梅墳下吁汝無聲薶矣夢聽得呱呱啼起八
九屋頭烏子苦竹敲風寒花寫月影在牀疑是猛一覺
欲喚無因欲見不能搖幌鐙痕如水 在眼前心頭追
憶儘是彭殤一理此日汝生今宵我哭一歲中間耳十
二時不斷斑斑是血是淚 又雨連清明寒食斷鼓黃
昏墟里拜佛紙錢哺兒麥飯草樹冥濛寺杜宇聲不斷
斑斑土花凝紫

賀新郎

葦村內兄新娶倚此道
喜其家業茶故用茶事

聽盡清明雨正盈盈春旗翠展嫵芽新露生受下茶郎
君聘又更銀絲繫住便龍鳳團圓如許花燭洞房輝煌
夜似疏星澹月甌頭聚合俊也潑香乳 石泉槐火雙
相試豹囊盛金英玉葉是妝奩具簾碧紗紅煙微颺裊
出同心一縷羨酣夢松風堪煮別有新娘心頭願願恩
恩休向浮梁去森伯者替他語

多麗

斂斜陽筑波山色青蒼畫船歸游人散也流鶯轉過橫
塘渡江來春波濃漾隨萍去春絮顛狂脈脈新蛾盈盈

少女風微月小大隄旁淺草寺澹煙疏磬燈火隱垂楊
低回處笙歌一片何處平康 鬪嬋娟金釵十二樓樓
姊妹凝妝碧雲鬟縈回人夢朱煙管吹斷人腸儘是情
深非關價重千金一刻合歡牀較儂意屏山猶曲更比
翠裙長纏絲話作羅爲鏡幾度商量

釵頭鳳

小園雨中留客

先生酒先生友當門還是先生柳蘿遮屋苔鋪葺疏簾
垂處雨蕉煙竹綠綠綠 傾壺久君知否笑相謀者荆
釵婦雲歸谷鳥投宿醉來休去夜游堪續燭燭燭

惜分釵

酒間戲作

先生醉先生睡幾人肯曉先生意便今宵已魂銷夜雨
誰家水閣歌嬌瀟瀟 歌聲起清于水使君忘返能如
此奏鸞簫戲蘭苕我夢更佳十萬纏腰飄飄

春風嫋娜

蝶飛來招我導入誰家前院落後枇杷閉門居不見去
年人面但聞人語微隔窗紗乍近無聲潛回難捨佇盡
春風香徑斜燕子無心偶迎客鸚哥傳語快煎茶 無
奈含嚙未展幽愁暗恨要提起又亂如麻忙回避喚雙
娃重簾卸也迢遞天涯斷絮零萍隔生春夢綠陰青子
舊日桃花銷魂無數記低幃雙笑投身膝上鬆鬢堆鴉

綺羅香

湖上望東照廟

廟樹紅疏湖荷碧蘸不問何朝今古華表歸來鶴意合
羞鷗鷺歎城郭亡國遺墟鬧京華軟塵香土只青青鏡
裏螺鬟依然如畫好煙雨 漁樵閒話往事眼見銷沈
霸業淒涼祠宇當日烽煙算是義軍屯處鉛淚瀉臥棘
銅駝香火竝散花天女甚池中劫後殘灰有蓮心更苦

永遇樂

竹隱閣疾已痊上都來訪喜而有作時七夕後四日

銀漢紅牆黃姑織女昨夜相見歡合悲離盈盈脈脈一
水猶言淺銷魂何限鍾情我輩慣惹燕愁鴻怨更誰識
年年一度會阻山川悠遠 長安七月涼風吹動瑟瑟

蟋牀螢扇慰我幽懷蘇君病骨重度函關棧笑卸行裝
豆花籬落疏雨梧桐深院恐回望天邊鵲駕脚跟又輓

齊天樂

蟬

夕陽紅瘦無情碧秋來樹猶如此影抱殘枝聲吞墜露
齊女當年憔悴浮生儘寄閱槐夏涼蛻餘身世綠鬢
拋殘薄紗煙染月如水 臨風餘恨未了譜伊州一曲
金雁清淚咽住仍連消凝乍絕驚動焦桐絃指淒清滿
耳歎漢殿塵生漬伊羅袂若問香魂葉同飄者是

清平樂

酸文讀過香炮零星火一陣靈風吹滿坐閃閃漆燈飄

墮 流螢梧竹幽軒亂
蜚薛荔頽垣月照豆棚瓜架今宵又是中元

前調

簾風簾露月澹雲疏處如水新涼吹入樹做一聲聲秋趣
碧花籬角蟲聲碧紗幮裏人聲乍密旋低夜半似啼疑怨天明

疏影

菊影

疏籬月逗似飄零滿地應笑歐九仔細詩人風雨重陽
分明只是消瘦緣何澹到司空品恰對箇花無言候覓
落英一片幽香又被蝶迷前後 記得當時淺醉傲霜

儘體豔瓶膽如斗笑著黃緹金粟離披髻髻仙乎人否
尤憐小夢回時節燭炮橫陳依舊待婦人卯酒惺忪浸
入半銜杯口

定風波

玉池仙館話雨尊前感贈

蘭燭三人影也搖內中一箇董嬌嬌記得畫簾琴與筑
板屋十年來雨聽瀟瀟 一樣瀟瀟時節好煙草空濛
春罨綠楊橋今夜玉娥池上柳消瘦伊家門巷共蕭條

百字令

夜與客飲酒而與王走筆填詞自題小照後以代答寶戲墨韻四闕

僕心如水住如煙如夢如秋詩國偶爾引杯留小照更
颯鬚髯如戟客日豪哉斯纔佳矣清瘦還堪惜不知何

苦嗜詩仍甚於色 答道風月江山人間萬事何景非
蕭寂試架憑空樓一所莽莽蒼蒼之極外有愁城中多
樂地醉按鳴鳴笛此聲堪聽請君燕筑同擊

夢爲蝴蝶赴大羅天上衆香之國櫛櫛銀雲花四照鸞
御前驅鳳戟若木紅騰流霞紫奪一擘蟠桃惜三千年
裏此時纔見春色 詎想大小游仙黃梁炊許頃刻分
喧寂天樂飄飄猶在耳倘悅離迷無極忽悟空華何如
曠達儘掣蛟龍笛一聲吹破笑將如意礮擊

醒而狂者只蟲娘贅婿蟻王槐國不是烏衣門第舊亦
豈世家榮戟文字撐腸詩篇棘手貽笑才人惜裙紅釵

紫箇中聊且生色 若不選舞徵歌風流跌蕩頗覺歡
場寂休道婦人醇酒計末路無聊之極急管繁絃竹啼
蘭笑鐵裂悲腔笛英雄堪罵不妨搥鼓三擊
客能歌否有彈箜篌者李憑中國錦瑟年華行樂耳酒
是割愁戈戟泣露衰蘭繁煙蔓草提起誰憐惜古傷心
語黯然天地無色 幾處華屋山丘園陵喬木贏得斜
陽寂石馬臨風悲缺耳維昔繁華窮極我偶言愁君胡
不飲爲弄桓伊笛悵無言處破窗枯葉飄擊

前調

用前韻簡阪口五峰高野竹隱索和

故人何在莽山河北越是英雄國聞說杉公城上月照

見霜臺雄戟泯泯江流茫茫沙磧成敗何須惜三更過
雁一天星動寒色 那更新瀉繁華海騰歌吹足補風
雲寂越女如花裁白紵春浣鷗波香極巷賽烏衣樓疑
黃鶴梅落江城笛知君豪宕興來牙節閒擊
吾鄉高子偶江湖載酒相逢京國膽破將軍銅鐵響久
已轅門倒戟君尙虛心獨於空谷翠袖相珍惜竹山遺
韻竹垞何肯爭色 徒倚自念平生天寒日暮只是耽
岑寂忽擲酒杯酣以往頗謂淋漓豪極願把琅玕試調
商徵截作蒼煙笛臨風一和曼然鳴玉雙擊

前調

與人論詞仍用前韻

填詞一道愛六朝金粉花庭蕪國正者鴨頭春水麗變
者奇峰攢戟惟性能靈有神言悟雕琢心肝惜精微孤
詣繪來聲影香色 無奈說夢癡人茫然不解一任風
流寂天遣扶桑生我輩出語何傷狂極笑煞荒僧原無
夙慧信口吹村笛一般天水北宗南派排擊

前調

用前韻再題玉池道人畫梅

玉池仙館驀空明幻出白梅花國老樹橫斜霜骨勁如
鐵苔枝交戟何遜風流林逋眷屬無鶴曾何惜揚州一
夜二分明月添色 夢被翠羽呼回澹鏡凝定忽學僧
枯寂一種曼陀香亦妙捉塵夜談清極潑墨生雲散花

如雨囑客休拈笛笑披絹素硯冰鏗地應擊

前調

墨水酒亭遊近夢樓話雨校書仍疊前韻

夢樓聽雨算相思初種豆紅南國平日自誇年少氣倒
拔倚天長戟爲爾全銷且毋多酌酒澆羅裙惜鬢邊花
笑背鏡偷暈黃色誰料墨水樓臺重相逢處不比那
宵寂扇影衣香紛四坐中有目成情極儂也腸回卿還
膽怯聒耳箏琶笛人前回避暗中鬆劍微擊

前調

余在史局分纂元天間史料知甲越用
兵世傳尤妄填一闕紀之仍用前韻

乾坤板蕩歎蟲沙蠻觸亂如麻國若大英雄何在也無
數斷戈殘戟古血斑斑荒苔漠漠蕤沒空嗟惜山陽外

史借他聊潤奇色

縱爾粉本葫蘆虎爭龍戰一樣收

場寂香卷青編商推處始覺流傳荒極七尾城霜千隈
川霧夜月行營笛口碑無據不堪謬誤紛擊

東風第一枝

疊上問梅

嫵雨無多疏煙不了釀花天氣微暖未將風意全柔故
教水流漸漫尋春俊侶綠鬢惹草香沿岸乍一枝斜放
牆頭訝許白鬚祠畔人入夢鶴心也懶僧出定磬聲
不管蹇驢雪裏曾留竹扉月前幾款無言悵倚索笑處
巡檐須緩恐上番春信恩恩錯促笛漁吹散

綺羅香

春雨

做暝微飄將愁頓釀溼絮濛濛而下寒食春城肯是禁
餘煙也鶯自恨葉底聲流蝶自疑草間魂化只銜泥燕
子歸來落紅翻浣畫梁架 梨花門巷獨掩記起明朝
約伴鞦韆春社似此冥迷幾度向天輕罵背熏籠還數
佳期偏板屋不多歡夜總沈昏潤透羅衾淚絲雙袖惹
賀新郎 簡寄孫君異兼謝八闕
不見孫郎久問催妝情人碧玉妙歌成否蓬島春風饒
豔福好把浮名換後拚醉昵銀箏紅袖嗟我風塵歡聚
少便妻梅也自傷消瘦知苦是吏人婦 不多香夢催
殘漏早天明霜鞦橐橐府中趨走鎮日幾時能見面羸

得形孤影負羞對鏡閒愁春晝似此生涯無賴極正夫
君擁髻銷魂候應一笑敢深咎

醜奴兒

采桑怨三闕

黃金謾聘青絲籠別後秋胡別後秋胡買得春蠶一死
無 紅裾休惹桑間露未嫁羅敷未嫁羅敷難道推辭
自有夫
蠶絲會受無情縛願嫁兒郎願嫁兒郎縱是秋胡也不
妨 使君五馬難回避淚滿傾筐淚滿傾筐悔煞羅敷
是女桑

馬頭娘子嬋娟誤是惡因緣是惡因緣璘藉何曾一再

眠采桑歌苦無人識有口難言有口難言熱淚紅蠶
繭內煎

沁園春

丁亥五月二十六日新橋千
歲樓姚志梁招飲酒間率填

地是新橋客多故人君且銜杯更樂莫樂兮歌裙雜坐
仙乎仙者舞袖紛催薌澤微聞玉山將倒休道春歸不
復來風光冶便百花雖盡此醺還開 況看殘藥翻階
愧蕩子萑蒲僕豈才只棖棖觸緒隔簾絃索星星記夢
夾巷樓臺月榭箏徵風廊笛逐畢竟賢於博奕哉酣嬉
極怒狂奴故態縱酒追陪

前調

孫君異次韻見寄再用前韻

屈指人生每聽清歌舉幾酒杯算少年裙屐醉醒難記
中年絲竹哀樂閒催篴短吹愁鉞長彈淚不獨花銷英
氣來無聊賴但知音相遇一笑顏開 休思月地雲階
肉食者何曾解愛才料與其痛飲混荆卿市不如東蹈
登魯連臺握手論交拈毫換舌肯覓蓬萊仙藥哉談心
曲待玉池樓榭吟侶同陪

時訂玉池
再集之約

前調

君異再和寄示交宕激楚可斫地而歌願命意悲惻
如不勝抑鬱無聊者再疊前韻用以慰研情見乎詞

果倦游邪乃爾牢愁盍倒百杯猛耳酣心熱悲歌筑破
蠟明灰滅清淚鉛催狂便能醒歡常人夢是雨瀟瀟曾
聽來回腸處又新聲翻也水閣簾開 淋鈴依舊鳴階

儘今日郎當當日才記風懷左右陳娥衛豔萍蹤南北
吳市燕臺東海塵生瀛洲草老鬱鬱真居誰土哉無同
調愧麤豪似我尊酒重陪

前調

題詞懷詩後四疊韻

脚企牀頭掌託鞋兒飲解語杯算閒男女事人生樂極
太風流處我輩愁催乍見燈移將離花贈萼綠闥門翻
下來橫波注正張家坊底玳瑁筵開 恍疑微步瑤階
是桃葉遊郎團扇才恰雙枝蘭葉盪過吳苑十番花鼓
喧偏蘇臺未嫁雲英遲生杜牧惆悵何分前後哉繁華
換體淒涼詩句無箇人陪

前調

讀歷下志游書後五疊韻

蒼莽中原磊落此人日三百杯或贈黃金釧酬青玉案
拍紅牙板唱綠腰催掉舌堅城柱頤修劍便見山東形
勝來前賢迹問碧霞宮側白雪樓開 遲回下上梯階
合更慕愚山一代才定浩歌滄海氣搖山嶽妙詩平地
神悟樓臺忽向扶桑飄然而往九點齊煙何小哉麻姑
笑笑地行仙到玉女須陪

前調

君異臨計已決無物爲贈六疊前韻以志別

我唱驪歌君有剛腸驀地擲杯果決然歸矣斷鴻南下
黯然銷者殘照西催小住爲佳前言休戲後約明年來

不來相思處，眇千秋。一日懷抱難開。沈吟獨立庭階。
奈自別江郎，消盡才任門前月。墮幽坊冷市，湖陰煙閉。
舞榭歌臺，契合三生情深。一往世上，那知其故哉。雲天
闊，又聯詩換酒，魂夢遙陪。

長相思

題石埭扇頭畫梅贈君異別

畫梅花賦梅花一樣銷魂翠袖紗。暮寒無竹遮。別梅
花憶梅花五月臨頭雨。又斜滿城吹笛家。

臨江仙

和君異韻

春水蕩情流不去，盈盈脈脈蘭舸。回波瞥見綠鬟嬌。相
思終透骨，紅豆任香消。一別吳江深幾尺，自從濃夢

難銷，枉將金粉豔南朝。早知銀海阻，只恨鵲填橋。

水調歌頭

和君異韻

皓月照人代，知閱幾千年。既然盈者應缺，早自恨團圓。
況箇真銷魂事，傳作絕傷心史。譜入斷腸絃，清淚忽如
雨。飄散綠尊前。借君盞，澆我酒，有誰憐。閒情一賦，不
妨信手粉脂拈。縱使牧之期誤，肯學微之過補。遽道我
無緣，但願牆花影，永拂玉人邊。

金縷曲

黃吟梅囑題采風圖，苦索不得，因念黃前度日有姪人
隨侍，今日重游，應有綠葉滿枝之歎，暫譜此調贈之。

香國春如繡，兩三聲流鶯滑滑。衫前扇後柳，掩花遮圖。
畫裏山水樓臺，某某入賦，客吟眸依舊，重展采風詩一

卷問多情紅杏還裁否嗟過了嫁時候
尋常寫句須
纖手況簾前吹簫記曲可無鬢秀不是尋春春較晚惆
悵成陰綠久肯信道郎來今又僕本恨人干底事但題
詞深愧屯田柳將綺語戲黃九

酷相思

雨中有念

燕子輕顰鶯暗訴更百舌橫塘語正江水無情堪恨處
潮上也流花去潮落也流春去
煙艇濛濛桃葉渡
楊柳青青路早休管飄零泥內絮晨也聽瀟瀟雨昏也
聽瀟瀟雨

暝織春愁千萬縷但攪做煙無數記儂本東台山下住

此時節看花去此時節聞鶯去
古寺鶯啼花滿樹問
多少樓臺處奈離索如今空閉戶晨也聽瀟瀟雨昏也
聽瀟瀟雨

滿江紅

贈默風道人

鳳爾無言空斂盡煙霄綵翼笑多少文章奇瑞半文錢
直蹈信甘輸黃鵠舉歸昌難避冥鴻弋便丹山咫尺亦
天涯飛無力
梧桐樹聊栖息琅玕實還堪食奈楚狂
歌放是窮愁極材大古來爲底用江湖滿地蟲啾唧敢
隨鴉猶做鳳凰聲何如默

賣花聲

讀孫君異題岐阜提燈詞和之

絡緯織愁工窗戶玲瓏回廊西畔竹梢風搖曳栖檐涼
月影鐵馬丁東 秋在碧花中零露幽叢依稀流出一
螢紅瞥見那人團扇底小髻盤龍

水龍吟

清國余藩平介孫君異敏乃祖八十
乃父六十大慶壽詞倚聲二闕應之

八千年裏春秋千年一度蟠桃候老彭八百算來纔到
半開紅晝八十平頭只當清曉飯胡麻後漸天雞碧樹
扶桑紅日移光照南山秀 笑奉百壺清酒有嘉賓瑟
琴齊奏兒周華甲孫期鼎甲綵衣回袖舞影翩然和而
降者瑤池阿母料天邊罕見故來歡聚作人間壽

滿庭芳

其二

鳥語櫻廚花臨蘭膳一家無限春風恰分華字吹入酒
顏紅卻笑霜華滿鬢堪侍奉鶴髮仙翁扶鳩杖重調竹
馬來歲是還童 詩筒傳盛事蘇門嘯客夙識孫桐便
蓬山拾草遙祝高嵩我願盈盈海水望空瀉碧玉壺中
聊持贈詞人錫老酬賀愧難工

摸魚兒

題陳衡山梧月山館圖

好涼風簟紋吹皺一池波月初轉尋聲不是青蘋末秋
在碧梧深院簾正卷三兩箇人兒談笑揮蒲扇清疏放
散愛螢火流煙蟬吟墜露立盡影深淺 秋如許幾處
離宮別館魂銷桐井槐苑商聲天地悲哉賦獨有讀書

人健真可羨歎我是龐眉書客難消遣愁工恨善便畫
裏清歡月華梧影也只夢中見

聲聲慢

涼夜聽蟲

叢鈴碎佩瑟瑟蕭蕭清切切檐前風度修廊還疑鐵
馬回旋聲聲攪人香夢碧紗幬茉莉毬懸銀漢上定紅
牆一角佇盡嬋娟 幾處驕人離婦惱兒真聒聒非斷
非連喚宇啼牀鐙殘四壁淒然偏憐莫愁兒女織金籠
聯臂涼天明月底買秋聲風露一肩

石湖仙

查川竹磯索聽秋仙館寄題之作
乃倚白石道人自度腔以應之

聽秋仙館有潘宋風流詞賦悽惋須信古傷心只平分

秋聲一半銅鋪蝨切小枕簟碧梧涼滿蕭散看竹君也
被秋管 嬋娟幾時濯雨又疏蕭蕭露浣滴恨敲愁
似和歌腔長短竹屋秋詞竹山秋譜更催人按徒自歎
儂同織婦還嬾

笛家

己丑重陽黎公使繼集席上作

秋水長天碧雲紅樹望中風物夕陽迤邐明如繪萬家
煙霽九日尊傾珠簾畫棟冠裳高會節使風流坐賓瀟
灑翰墨因緣在擘華箋側烏帽翠袖笑媽款待 我輩
醉拚今日銷魂悅魄鈿笛銀箏肉躍神飛酒池歌海那
更陣陣紫雲迴舞顛顛小黃花戴禮乎能寬謔兮須善

狂笑持螃蟹麤豪甚又誰知竊較十眉嬌黛

蝶戀花

戲贈縫兒是小喬姊夫所愛者

小閤拈鍼無氣力擲譜鴛鴦嗔是相思式卻索尊前人
愛惜縫兒小字郎須識 昨夜銅壺蓮漏滴紅頰潮霞
淺笑鏡前匿翠黛今朝勻不得眉心妙暈些兒墨

憶江南

寄三夢詞人紅葉題扇詞後

生花筆合是畫眉餘才子春魂銷盡處渠儂人事省來
初忍俊問何如
檀痕搯豔句界烏闌好好羣娃都品定卿卿一字費吟
安寫到笑顰難

箏語歇偷笑背銀燈年少多情由我損春愁今夜爲伊
增昨夢任無憑

風流罪懺佛篆煙斜虛夢早知周是蝶前身不合鹿銜
花悔煞有情些

華年憶管是可惜才孔雀東南頻反顧鴛鴦七十尙徘徊
鬢鬢影爲誰頽

門前柳懶悴任烏栖今日樹猶如此也當時有美一人
兮芳草月淒迷

羞難說半就故矜莊鸚鵡生憎輕罵慣檀郎翻愛薄嗔
佯儂贈繡春囊

芳年紀顛倒誤鴛鴦向客勸提金錯落替人縫到嫁衣裳一樣爲誰忙銷魂者絕代有孫郎花鳥春秋誇豔品雨雲朝暮斷柔腸雙調屬蕭娘

賀新涼

讀紅樓夢用瑤玉女史韻

情者癡如此最傷心迷花蝶化吐絲蠶死猶記屏山眉黛蹙懶把嬌鬟攏起空繪了盈盈秋水夢見分明醒恍惚只風前湘竹吹斑淚將影寫個人字今生受盡淒涼幾算知心鸚哥雪白侍兒鵲紫盃簿難翻前定數信道人間世事離不脫玉蕤香瘞悔煞前盟聯木石便靈河岸上相逢未識長養恨芽翠

暗香

讀野口寧齋出門小草用白石道人韻即題其後同竹磯作

數峰青色拖綠蕪夕照山歌樵笛歲暮出門殘雪鴻泥細尋摘知爾吟情大好敢孤負奚囊枝筆忽示我一卷烏絲雄奪古人席詩國喜不寂便擊節感歎慘澹功積挹之不竭泉涌才情寫長憶儂亦當年駐馬熊谷寺花寒苔碧愧草草歌一曲未曾做得

金縷曲

一夕酒酣耳熱有懷寧齋倚聲以寄

春夢拋空罷消盡我零愁碎苦向杯多謝莫醉劉伶墳上土到底人間世也免不得絮飛萍化爲爾一歌將進酒較汪倫潭水情多寡君所謂謫仙亞瓊樓賒酒無

人借十日飲塵中大樂卜何辭夜夜雨星岡還秉燭信
道平生善罵纔博得酒人聲價胡蝶忽然飄不見滿天
涯芳草青隨馬醉而別謾悲吟

醉太平

喜黃夢曉過訪小齋
并訂來日相隨之約

疏蕉罨階幽花點苔黃昏一陣輕雷送人來雨來清
談筆偕驪歌笛催待君黃鶴徘徊正江城落梅

滿江紅

昨雨鳴階撲簌簌一庵黃葉呼不出殤魂灰冷紙錢如
蝶赤子無知何事罪青楓還灑誰人血瘦夫妻不哭
臨風酸眸裂 偎娘抱投懷月憑爺撫垂眉髮四年間

賺我笑容嬌瞥縱使成人徒自苦可知處世吾元拙默
焚香祝爾早生天煙縈結

今雨歡逢斗酒會來如其突快一吐平生奇氣滿胸翫
勃早被坐中江袖擁莫辭觴面黃流凸若有人不樂暗
攢眉深杯罰 人間世空奄忽嗟聚散傷存歿莽漁郎
大醉一聲呵咄我輩祇應將佛罵他年那可無名沒向
要離冢畔請相邀諸君骨

沁園春

森川竹磯得閒集題詞

病是厭厭也算人生此際最閒便閒中樂趣金尊檀板
病中詩夢紅粉青山春鳥園林秋花亭榭恐說潘郎星

鬢斑流年早伴簾前詠絮謝妹煙鬢 蠶眠又界烏闌
問似草新詞刪不刪定小紅吹笛奴兒非醜楊枝解舞
菩薩何蠻倚竹幽居懷人妙句肯道頻伽吟骨孱佳人
笑試相思琴調流水潺湲

柳色黃

和鬢絲禪侶即以爲贈

屋角鳴鳩花外乳鶯呼雨齊發煙中飛去飛來草碧一
川濃潑聲聲漸近轉過曲徑幽廊君家亞字闌干末小
史與熏香料填詞剛歇 泥滑禽言有趣箏語無心隔
簾飄忽人面依稀早覺神魂飛越桃花一笑怪底幾許
才人生生願學秦宮活爲問鬢絲禪恁春愁難拔

蝶戀花

題鬢絲禪侶花影填詞圖

蝴蝶生生花底住那似檀郎花影填詞處可可春鬢頻
顧誤畫成不管秋娘妬 懺綺盒中情未悟幾度徘徊
抱影花相慕影乍無蹤花墮霧斜陽早轉廊陰去

金縷曲

題竹磯手撥琵琶記

一部琵琶記說甚麼微詞輕薄借諷王四興到偶然無
不有便道旁嘲隱指是爾我不平之事花月風流閒筆
墨笑詩人都似深文吏如此者太多矣 阿誰爲寫烏
絲字絕傷心中郎際遇五娘悲思無可奈何三不從此
亦人間世耳任射盡酸風眸子解識填詞風教補算夫

君高則誠知已歎若輩謾譏刺

蝶戀花

謝春星贈桂花

夢讀騷人情種也月底修簫四散天香夜仙佩珊珊吹
得下步虛應是星冠者折贈蟾宮花影亞含笑無言
月隱西巖罅悵悵彩鸞難竝跨青天碧海空牽挂

前調

謝發絲贈蘭

蘇小門頭油壁路記得橫波滿眼盈盈露風雨西陵松
柏暮同心不見啼幽素聽馬郎君行擷取蕭艾叢中
翠燭零星處此後瓷盆期穩護當門莫再鋤將去

祝英臺近

俏雲英他未嫁香贈一囊麝漏洩春光門柳最纖冶便
令閉置帷中兜然相見卷簾處牡丹開也點羅帕多
是花淚燕脂教儂暗愁惹搖漾芳魂願學蝶飛乍向他
釵股裙腰綢繆招颺好折證夢兒非詐

浣谿紗

送巖谷漣山人之西京

白帽風流俊少年西京佳麗小游仙三條橋畔四條絃
馬首纔紅霜後葉鴨頭初綠鏡中天明年春水也漣
漣

沁園春

玉池席上贈清國姚石泉錫光徐風九鈞溥

瀕洞乾坤滄海橫流白日欲趨歎職方圖裏吐蕃突厥

羈縻州外德法英俄萬里氛煙三年戰壘贏得沈沙折
戟多望威旅正不知何國樓艦頻過 任他鐵券山河
猛驟雨飄風可奈何且早防強敵長城飲馬休思前覺
同室操戈有客觀風憑誰回日渺渺愁予三島波春光
好驀傷心濺淚花烏知麼

前調

重野成齋博士招同諸流餞姚
徐二子于淞水之上余再倚此調

豔雪花圍酒幔茶槍迤邐水邊算冶春詞句皆陽春也
美人天氣有麗人焉朱轂青驄畫船簫鼓俊侶相邀金
谷筵敦槃好共一廚櫻筍兩國才賢 少年裙屐聯翩
便異土同文興偶然謾曲江哀觸新蒲細柳蘭亭感係

急管繁絃和局生春戰場如夢我亦他時游薊燕乘風
下向金陵重見澹粉輕煙

浪淘沙

題石塘新瀉尋句圖詩後

越女豔臨風妙舞驚鴻芙蓉七十二橋紅總被伊人尋
句盡主客圖中 此後月當空箏笛簾櫳不須換羽與
移宮一卷竹枝花十八持付玲瓏

滿江紅

淞水驪歌題詞永井禾原囑

如此江山放屠伯公然排闥好醺席黃鬚碧眼請來哺
啜海岱驚風殘日陷燕都古水荒溝咽痛倉皇孤寡走
秦川龍樓訣 淞水上驪歌烈聲變徵冠衝髮饑日東

佳士魯連高節四百州塵腥羯滿三千年國坤維折縱
顛危相濟仗同舟今難說

好事近

石埭招飲酣雪亭偶譜小詞

望裏萬人家銜盡半邊斜日一角海天煙際有遙岑浮
碧 營公祠畔好樓臺來擊夜涼笛喚取隔陂鷗鷺問
芙蓉消息

前調

酒間即目再依前腔

沈李與浮瓜也算絕銷魂事何況芰荷風露且珠珠堪
記 可人懷袖月團團涼自扇邊起樹裏乍流螢火是
鐙痕如水

賀新涼

題上村賣劍詩兼即送其赴北清

賣劍歸休者是坤輿春農銷甲太平時也虎擲龍拏強
食弱宇宙爭雄競霸況怪雨盲風東亞懸著中梁聞鳴
嘯把佳人儘換千金馬誰更敢忍心捨 讀君詩卷鐙
將炮看霜空如虹白氣斗牛間射此去燕臺酣被酒擊
筑悲聲一下望蒙韃曠原平野白骨黃沙空耕戰莽山
河奉贈無人謝須斫地浩歌寫

減蘭

丙午花朝後二日來青閣雨集席上賦

殘梅小院不住嬌鶯啼雨轉作意廉纖巧織煙絲貼翠
簾 留賓晚榻評泊金荃開酒榼爲檢烏絲膩柳豪蘇

可意誰

曲

一半兒

紅綾長帶紫羅襦越豔吳嬌鄭衛姝絕妙眉兒十樣圖
好歡娛一半兒清歌一半兒舞

又

綠楊城郭小揚州千里天涯一瞬游雨也便宜引客留
百春樓一半兒眠花一半兒柳

題永阪石埭橫濱竹枝後

庚辰

北新水令 甚二分明月一枝簫問才人箇中微妙花

陰歌宛轉夢裏佩飄搖雨悴雲憔悴攏著這舊煙鬢遮不
斷影兒老

南步步嬌 想當初碧玉破瓜情顛倒心字香煙裊蓮
花玉漏敲似小杜揚州簾波縹緲呀繡枕暈紅潮甚含
胎豆蔻香開了

北折桂令 可憐人瘦損宮腰認了潘車拋了櫻桃閃
紅鐙碧月樓高么花十八檀板輕敲鬧春風歌清舞妙
隔秋江桓笛羸簫正朝雲暮雨情拋怎飛花落絮風飄
窺鸞鏡有影相偎對眉山沒人來掃

南江兒水 衫淚江州溼琴心司馬挑好淒涼句闌花

瘦啼姑弔到頭來鴛衾夢醒風流覺怎耐得衰蘭露泣
情天老又是別離來了忍住離愁低唱月殘風曉

北雁兒落帶得勝令 閃閃的甚烏啼月影高欺負俺

軟丟搭魂兒小似這等斗闌干夜未央難道是燈明滅
天明了酒醒來可憐他淚暈潮夢醒來生怕這江聲攪
呀人去也望不斷秦關杳魂歸些儘著他楚客招風也
麼搖驚香夢沒人將鴛鴦弔蘭也麼茗戲簾紋獨自把
翡翠瞧

南饒饒令 飛花紅雨落折柳黯魂銷怕恁般憔悴被
游魚笑頭著這斷釵兒影暮潮

北收江南 呀算一年來零落有情宵望蒼梧雲影水
迢遙賸的我瘦湘君離恨趁江湖恨不得怯魂靈迸著
篆絲飄問誰吹洞簫問誰吹洞簫只有那新蛾暈碧挂
眉梢

南園林好 小繁華花嬌柳嬌謫仙人詩瓢酒瓢休道
這鬢絲吟老碧紗底費蘭膏零雨底續離騷

北沽美酒帶太平令 寫幽懷歎寂寥寫幽懷歎寂寥
歎才人恨未銷則這橫濱竹枝呵占斷春風廿四橋和
陽春人少任他閒評跋染霜毫怎及這種情根天荒地
老曲終時歌雲繚繞料世上無人知道只一片青山眉

笑咳解腰纏雲飄鶴飄認帆影星搖浪搖可記得這樊
川落花閒弔

南尾聲 無端譜出相思調底事干卿夢太勞是呼做
把鳳恨鴛愁一例兒擔盡了

黎純齋公使任滿還朝余已賦七律二章奉送爰
推擴其意作南北曲一套

已丑

北新水令 望齊州九點莽煙埃拂雲來錦帆東海鼇
頭蓮嶽出蜻尾玉壺開清淺蓬萊汎星槎日邊客
南步步嬌 破浪乘風今來再到瓜期代離筵九日
開飲菊餐英更番歡待痛飲好披懷怨狂奴醉態無聊

賴

北折桂令 展文茵玉樹臨階錦繡楓林彩翠樓臺有
多少側帽題襟登高送遠能賦多才暎飛觴青山紛黛
舞驚鴻紅葉裙釵乍彎腰卻月相挨小垂手鮎鬢相捱
劈鈿箏裂帛聲終催畫燭賓主歡偕

南江兒水 四坐休譁處百端交集來是幾時兵洗條
支海是何人馬飲長城界更誰家笳動盧龍塞放眼高
句麗外君不見虎視眈眈直北浮雲情態

北雁兒落帶得勝令 白骨田黃塵市地霾黑龍江濁
浪黏天泮鄂羅斯山河健鶻盤薩伽連草木腥風灑雪

霏霏聽一陣朔鴻哀野茫茫看無數穹廬蓋到如今彼
我謾疑猜怕他年兵甲誰擔戴嗟哉請看古今來成和
敗哈也麼哈只願笑談間絕禍胎

南僥僥令 浩歌悲亦得妄語罪應該一介書生公休
怪原不是箇覓封侯百里才

北收江南 呀活神仙豈可隔蓬萊莽風濤只恐連蠻
貊天孫氏國早丟開古河湟地今安在使鄰交益諧使
鄰交益諧纔信道中流共楫定無災

南園林好 笑拍肩孫郎帽歪暗橫波陳郎眼乖僕何
者公然愁憊且擊節愛卿釵試託掌繡娘鞋

北沽美酒帶太平令 古神山縹緲開古神山縹緲開
見其中綽約來這的是童女童男舊舞臺甚樓船曾載
今夕事儘風懷數不盡蒼茫世代二千年芙蓉雪戴太
古來滄桑不改靈淑氣扶輿籠蓋恁呵江山美哉齒聯
脣尤關利害早難道把君家長城自壞
南尾聲 三千弱水盈盈外赫赫扶桑杲日開休枉了
那斗大的金章好光彩

槐南集卷二十八

森川鍵校字

槐南集

定價金參圓五拾錢

明治四十五年三月一日印刷
明治四十五年三月五日發行

著作者 故 森 泰二郎

編輯者 東京市小石川區竹早町十一番地

發行者 相續者 森 健 郎

印刷者 東京市半込區市谷加賀町一丁目十二番地
飯田 三千太郎

印刷所 東京市半込區市谷加賀町一丁目十二番地

株式會社 秀英舍第一工場

東京市日本橋區本町三丁目

大賣捌 博文館

249

573

249
4
53



